

Gwneud cais am gymeradwyaeth ar gyfer sefydliad cig neu sefydliad bwyd

Sut i wneud cais am gymeradwyaeth ar gyfer sefydliad cig neu sefydliad bwyd

Lle y bydd angen i chi wneud cais am gymeradwyaeth ar gyfer sefydliad cig neu sefydliad bwyd, gan ddibynnu ar y math o sefydliad a'ch lleoliad.

Mae angen i rai sefydliadau cig a sefydliadau bwyd gael eu cymeradwyo cyn y gallant ddechrau gweithredu. Gan ddibynnu ar y gweithgareddau y byddwch yn eu cyflawni a'ch lleoliad, efallai y bydd angen i chi wneud cais am gymeradwyaeth gan yr Asiantaeth Safonau Bwyd (ASB) neu eich awdurdod lleol.

Sefydliadau a gaiff eu cymeradwyo gan yr Asiantaeth Safonau Bwyd

Rhaid i'r sefydliadau canlynol gael cymeradwyaeth gennym ni cyn iddynt ddechrau masnachu:

Cymru a Lloegr

- lladd-dai
- ffatrioedd torri
- sefydliadau trin helgig
- marchnadoedd cyfanwerthu cig

Gogledd Iwerddon

- lladd-dai
- ffatrioedd torri
- sefydliadau trin helgig
- marchnadoedd cyfanwerthu cig
- canolfannau casglu llaeth amrwd
- gweithfeydd prosesu llaeth gwlyb
- canolfannau pecynnu – pecynnu a graddio wyau yn ôl ansawdd a phwysau

Ni allwch ddechrau masnachu cyn cael eich cymeradwyo. Ni ddylech ddechrau unrhyw weithgaredd busnes sy'n gofyn am gymeradwyaeth oni bai eich bod wedi cael cymeradwyaeth amodol neu lawn ar gyfer y gweithgarwch arfaethedig gan yr ASB. Os byddwch chi'n dechrau masnachu heb gymeradwyaeth, mae'n drosedd a allai arwain at erlyniad.

Sefydliadau a gaiff eu cymeradwyo gan awdurdodau lleol

Cymru a Lloegr

Sefydliadau cyffredinol

- storfeydd oer
- sefydliadau ail-lapio ac ailbecynnu

Sefydliadau cig

- sefydliadau briwgig
- sefydliadau paratoi cig
- sefydliadau cig wedi'i wahanu'n fecanyddol
- ffatrioedd prosesu cynhyrchion cig
- ffatrioedd prosesu brasterau anifeiliaid wedi'u rendro a chriwsion
- ffatrioedd prosesu stumogau, pledrennau a choluddion wedi'u trin
- ffatrioedd prosesu gelatin
- ffatrioedd prosesu colagen

Sefydliadau pysgod a physgod cregyn

- sefydliadau molysgiaid dwygragennog byw gan gynnwys canolfannau dosbarthu a chanolfannau puro
- sefydliadau sy'n gweithio gyda chynhyrchion pysgodfeydd gan ddefnyddio llongau ffatri a rhewi, ffatrioedd prosesu, cynhyrchion pysgodfeydd ffres, neuaddau arwerthu, marchnadoedd cyfanwerthu

Sefydliadau llaeth

- canolfannau casglu llaeth amrwd lle caiff ei oeri a'i hidlo
- ffatrioedd prosesu sy'n cynhesu, prosesu a/neu'n lapio cynhyrchion llaeth (llaeth neu unrhyw gynnyrch sy'n cynnwys llaeth)

Sefydliadau wyau a chynhyrchion wyau

- canolfannau pecynnu – pecynnu a graddio wyau yn ôl ansawdd a phwysau
- ffatrioedd prosesu – prosesu cynhyrchion wyau
- ffatrioedd wyau hylifol – trin cynnwys wyau heb ei brosesu ar ôl tynnu'r plisgyn

Gwneud cais am gymeradwyaeth gan yr ASB ar gyfer sefydliad cig neu sefydliad bwyd

Sut i wneud cais am gymeradwyaeth gan yr Asiantaeth Safonau Bwyd, yr asesiad cymeradwyo, a'r hawl i apelio.

[Rhestr o sefydliadau a gymeradwyir gan yr ASB.](#)

Cais am sefydliad newydd

Defnyddiwch ein [gwasanaeth cymeradwyo](#) i wneud cais gam gymeradwyaeth gan yr AS ar gyfer eich sefydliad. Bydd angen i chi greu cyfrif er mwyn defnyddio'r gwasanaeth hwn.

Pan ddaw eich cais i law, bydd un o'n swyddogion milfeddygol yn cysylltu â chi o fewn pythefnos i drefnu ymweliad i gynnal asesiad.

PDF

[Gweld Step by step guide for meat approvals application as PDF\(Open in a new window\)](#)
(559.42 KB)

Cais am weithgareddau ychwanegol

Os ydych eisoes wedi'ch cymeradwyo fel sefydliad cig ac rydych am wneud cais i gymeradwyo gweithgareddau neu rywogaethau ychwanegol, defnyddiwch ein [gwasanaeth cymeradwyo](#).

[Gwneud cais am gymeradwyaeth gan yr ASB](#)

Rheoli eich cais

Ar ôl i chi gyflwyno'ch cais, byddwch yn gallu ei reoli a'i olrhain trwy ein gwasanaeth ceisiadau am gymeradwyaeth.

Cymru a Lloegr

Ymweliadau cynghori

Os ydych am wneud cais i gymeradwyo eich sefydliad, gallwch ofyn am ymweliad cynghori. Nod ymweliadau cynghori yw eich helpu i nodi'r gofynion lles a hylendid a allai fod yn gymwys i'ch gweithgareddau cymeradwyo arfaethedig. Mae'r meysydd cyngor yn cynnwys strwythur adeiladau, offer a chyfleusterau, ystyriaethau hylendid gweithredol a HACCP, arferion da, rheoli cofnodion, a gweithdrefnau gweithredu safonol yn ogystal â lles anifeiliaid.

Codir ffi benodol am ymweliadau cynghori sy'n daladwy cyn yr ymweliad. Y ffi ar gyfer y flwyddyn ariannol rhwng 1 Ebrill 2024 a 31 Mawrth 2025 yw £395.40 gan gynnwys TAW. Ni ellir ad-dalu'r ffi hon.

Gallwch ofyn am ymweliad cynghori pan fyddwch yn cyflwyno eich ffurflen gais wrth ddefnyddio ein gwasanaeth cymeradwyo.

England and Wales

PDF

[Gweld Advisory Visits Guidance as PDF\(Open in a new window\)](#) (274.89 KB)

Cyfeiriadau at ddeddfwriaeth yr UE yng nghanllawiau'r ASB

Nid yw deddfwriaeth sy'n uniongyrchol gymwys i'r UE bellach yn gymwys ym Mhrydain Fawr. Daeth deddfwriaeth yr UE a ddargadwyd pan ymadawodd y DU â'r UE yn gyfraith a gymathwyd ar 1 Ionawr 2024, yn unol â'r hyn a gyhoeddwyd ar legislation.gov.uk. Dylai cyfeiriadau at unrhyw ddeddfwriaeth yng nghanllawiau'r ASB sydd ag 'UE' neu 'CE' yn y teitl (er enghraifft, Rheoliad (CE) 178/2002) gael eu hystyried yn gyfraith a gymathwyd lle bo hynny'n gymwys i Brydain Fawr. Bellach, dylid ystyried cyfeiriadau at 'Gyfraith yr UE a Ddargedwir' neu 'REUL' fel cyfeiriadau at gyfraith a gymathwyd.

Yn achos busnesau sy'n symud nwyddau o Brydain Fawr i Ogledd Iwerddon, mae gwybodaeth am [Fframwaith Windsor](https://gov.uk) ar gael ar GOV.UK.

Mabwysiadwyd Fframwaith Windsor gan y DU a'r UE ar 24 Mawrth 2023. Mae'r Fframwaith yn darparu set unigryw o drefniadau i gefnogi llif cynhyrchion manwerthu bwyd-amaeth o Brydain Fawr i Ogledd Iwerddon, gan ganiatáu i safonau Prydain Fawr o ran iechyd y cyhoedd mewn perthynas â bwyd, marchnata a deunyddiau organig fod yn gymwys i nwyddau manwerthu wedi'u pecynnu ymlaen llaw a gaiff eu symud drwy Gynllun Symud Nwyddau Manwerthu Gogledd Iwerddon (NIRMS).

Asesiad cymeradwyo

Fel rhan o'r broses gymeradwyo, byddwn yn asesu:

- offer a seilwaith eich sefydliad
- eich system rheoli diogelwch bwyd, fel rhan o'r broses gymeradwyo.

Nid oes hawl gennych weithredu tan i chi gael cymeradwyaeth amodol.

Ar ôl eich cymeradwyo, bydd un o'n swyddogion milfeddygol yn dychwelyd o fewn tri mis i asesu'r broses gynhyrchu a'ch [cydymffurfiaeth â'r holl ofynion hylendid](#) a nodir yn:

- [Rheoliad yr UE a gymathwyd 852/2004](#) a [Rheoliad yr UE a gymathwyd 853/2004](#) ar gyfer Cymru a Lloegr
- [Rheoliad 852/2004](#) a [Rheoliad 853/2004](#) ar gyfer Gogledd Iwerddon

Ar ôl i'r safle gael ei gymeradwyo, ychwanegir manylion y safle ynghyd â gwybodaeth sy'n ymwneud â'r mathau o fwydydd a gynhyrchir at y [rhestrau o sefydliadau cymeradwy](#).

Yr hawl i apelio

Mae gennych [hawl i apelio](#) yn erbyn ein penderfyniad os gwrthodir cymeradwyaeth i'ch safle o dan gyfraith bwyd.

Gallwch gyflwyno apêl un mis o'r dyddiad y cawsoch wybod am y penderfyniad.

Mae trosolwg llawn o'r broses ar gyfer cymeradwyo sefydliadau cig ym mhennod 1 adran 4 o'r [Llawlyfr Rheolaethau Swyddogol](#) (MOC). Mae hefyd yn egluro ym mha amgylchiadau y byddem yn tynnu eich cymeradwyaeth yn ôl.

[Cymeradwyo sefydliadau bwyd yng Ngogledd Iwerddon: trefniadau llywodraethu a pholisi cymeradwyo](#)

Rhestr o sefydliadau bwyd cymeradwy

Rhestr lawn o sefydliadau, fel ffatrioedd torri a lladd-dai, a gymeradwywyd i drin, paratoi neu gynhyrchu cynhyrchion sy'n dod o anifeiliaid y gosodir gofynion ar eu cyfer yn Rheoliad (EC) a gymathwyd Rhif 853/2004.

- [Sefydliadau Cymeradwy yng Nghymru a Lloegr](#)
- [Sefydliadau Cymeradwy yng Ngogledd Iwerddon](#)
- [Sefydliadau Cymeradwy yn yr Alban](#)
- [Sefydliadau Cymeradwy yn yr Undeb Ewropeaidd](#)

Gwneud cais am gymeradwyaeth gan awdurdodau lleol ar gyfer sefydliad bwyd

Sut i wneud cais am gymeradwyaeth gan awdurdodau lleol a'r broses gymeradwyo

Sefydliadau sydd angen cymeradwyaeth gan awdurdodau lleol

Mae angen cymeradwyaeth ar gyfer rhai sefydliadau bwyd sy'n trin cynhyrchion sy'n dod o anifeiliaid, fel cig, pysgod, wyau, cynhyrchion llaeth, a chynhyrchion wedi'u prosesu sy'n dod o anifeiliaid, sy'n cyflenwi sefydliadau eraill.

Mae'n bosib y bydd angen cymeradwyaeth ar y sefydliadau hyn, naill ai gan yr Asiantaeth Safonau Bwyd (ASB) neu gan awdurdod lleol. Ceir enghreifftiau o sefydliadau o'r fath ar ein tudalen [Sut i wneud cais am gymeradwyaeth ar gyfer sefydliad cig neu sefydliad bwyd](#).

Mae'r dudalen we hon yn ymdrin yn benodol â chymeradwyaeth gan awdurdodau lleol.

Os nad ydych chi'n si?r a oes angen cymeradwyaeth arnoch, neu os oes gennych unrhyw gwestiynau am wneud cais am gymeradwyaeth, [cysylltwch â'ch awdurdod lleol](#).

Sylwer: Mae'n drosedd i sefydliad bwyd sy'n ddarostyngedig i gymeradwyaeth weithredu, oni bai bod yr awdurdod lleol wedi rhoi cymeradwyaeth.

Mae'n rhaid i'r rhan fwyaf o fusnesau bwyd nad oes angen cymeradwyaeth arnynt, fod wedi'u cofrestru gyda'u hawdurdod lleol.

Ceir manylion ynghylch pwy sydd angen cofrestru a sut i gofrestru ar ein tudalen [Cofrestru busnes bwyd newydd](#).

Gwneud cais am gymeradwyaeth gan awdurdodau lleol

- Cymru: [Cymeradwyo safle bwyd \(Cymru\)](#)
- Lloegr: [Cymeradwyo safle bwyd \(Lloegr\)](#)
- Gogledd Iwerddon: [Cymeradwyo safle bwyd \(Gogledd Iwerddon\)](#)

Rhestr o sefydliadau bwyd cymeradwy

- [Sefydliadau cymeradwy yng Nghymru a Lloegr](#)

- [Sefydliadau cymeradwy yng Ngogledd Iwerddon](#)
- [Sefydliadau cymeradwy yn yr Alban](#)
- [Sefydliadau cymeradwy yn yr UE](#)

-

[Yn ôl i'r brig](#)